

ერთი მხრივ სსიპ „შემოსავლების სამსახური“ მისი ფინანსური დეპარტამენტის უფროსის მოვალეობის შემსრულებლის ზვიად პაპიძის სახით (შემდგომში - „შემსყიდველი“) იურიდიული მისამართი: თბილისი, გორგასლის ქ. №16, ს/კ: 204525585, სახელმწიფო ხაზინა, კოდი: TRESGE22 ანგარიში/სახაზინო კოდი: 70701

(ორგანიზაციის დასახელება და იურიდიული მისამართი)

და მეორეს მხრივ შპს „რედი“ (შემდგომში მიმწოდებელი), მისი დირექტორის ედიშერ რეხვიაშვილის სახით, მისამართი ქ. თბილისი, დიდი დიდოში დასახლება, ი. პეტრიწი ქ., N 9, ბ. 54, ტელ: 595067590; ს/კ 405369836, სს „საქართველოს ბანკი“, BAGAE22, GE70BG0000000162274536

(ორგანიზაციის დასახელება და იურიდიული მისამართი)

1. ხელშეკრულების საგანი და ღირებულება

1.1 შემსყიდველმა, სსიპ შემოსავლების სამსახურის მიერ გაწეული მომსახურების საფასურიდან მიღებული სახსრებით, გამოაცხადა ქ. ბათუმში, აეროპორტის გზატკეცილი N259 -ში (ს.კ. 05.32.06.097) არსებული გაფორმების ეკონომიკური ზონა „ბათუმი“-ს ადმინისტრაციული შენობის გათბობა-გაგრილების სისტემის მაგისტრალური მილების შეცვლის და სხვადასხვა სახის სარემონტო სამუშაოების (CPV45442180 - სარემონტო სამუშაოები) შესყიდვაზე აუქციონის გარეშე ელექტრონული ტენდერი (NAT220012519) და ტენდერის შედეგად მიმწოდებელმა აიღო ვალდებულება, ხელშეკრულებით განსაზღვრული ღირებულების სანაცვლოდ შეასრულოს ზემოაღნიშნული სამუშაოები.

1.2 ხელშეკრულების საერთო ღირებულება შეადგენს 67 776.47 (სამოცდაშვიდი ათას შვიდას სამოცდათექვსმეტი ლარი და 47 თეთრი) ლარს.

1.3. ხელშეკრულების ღირებულება მოიცავს, როგორც შესასრულებელი სამუშაოების ღირებულებას, ასევე წინამდებარე ხელშეკრულებით ნაკისრი ყველა ვალდებულებების შესრულებასთან დაკავშირებით მიმწოდებლის მიერ გაწეულ ყველა ხარჯს და საქართველოს კანონმდებლობით გათვალისწინებულ გადასახადებს.

2. ხელშეკრულების შესრულების კონტროლი

2.1 შემსყიდველი ინსპექტირების ჯგუფის მეშვეობით ახდენს შესრულებული სამუშაოების კონტროლს (ინსპექტირებას). შემსყიდველი უფლებამოსილია სამუშაოების შესრულების პარალელურად მოახდინოს შესრულებული და მიმდინარე სამუშაოების ინსპექტირება მიმწოდებლის მიერ წარმოდგენილი ხარჯთაღრიცხვის მიხედვით, რომლის მიზანია სამუშაოების შესაბამისობის დადგენა ხელშეკრულებით შეთანხმებულ პირობებთან. ამასთანავე, მიმწოდებელი ვალდებულია წინასწარ შეათანხმოს შემსყიდველთან სამუშაოების პროცესში გამოსაყენებელი მასალების/მოწყობილობების ხარისხი.

2.2 შემოწმების შედეგად გამოვლენილი ნებისმიერი ნაკლის ან დეფექტის შესახებ შემსყიდველი დაუყოვნებლივ წერილობით აცნობებს მიმწოდებელს დაწუნებული სამუშაოების ან/და მისი ნაწილის შესახებ, წუნდების მიზეზების მითითებით.

2.3 გამოვლენილი დეფექტის ან ნაკლის აღმოფხვრასთან და ხელახალ ინსპექტირებასთან დაკავშირებული ხარჯების ანაზღაურება ეკისრება მიმწოდებელს.

2.4. მიმწოდებელმა სამუშაოთა წარმოების ნორმების მიხედვით სისტემატურად უნდა აწარმოოს მასალების/მოწყობილობების და შესრულებული სამუშაოს ხარისხის კონტროლი.

2.5. შემსყიდველს უფლება აქვს განახორციელოს ტექნიკური ზედამხედველობა, სამუშაოების ნებისმიერ მომენტში შეამოწმოს გამოყენებული მასალების/მოწყობილობების და სამუშაოთა შესრულების ხარისხი. იმ შემთხვევაში, თუ ხარისხი არ აღმოჩნდება არსებული და საქართველოში მოქმედი სამშენებლო ნორმებისა და სტანდარტების შესაბამისი, შემსყიდველი მხარე უფლებამოსილია შეაჩეროს სამუშაოთა წარმოება და აკრძალოს შეუსაბამო მასალების/მოწყობილობების გამოყენება.

2.6. მიმწოდებელი ვალდებულია ხელი შეუწყოს შემსყიდველს შემოწმების-ზედამხედველობის ჩატარების დროს.

2.7. მიმწოდებელი ვალდებულია სამუშაოები განახორციელოს საქართველოში მოქმედი სამშენებლო ნორმებისა და წესების მოთხოვნათა სრული დაცვით. მათ შორის: აწარმოოს სამუშაოების ხარისხის კონტროლი, გამოსაყენებელი მასალების ლაბორატორიული გამოცდები და შემსყიდველის მოთხოვნის შემთხვევაში წარუდგინოს ტექნიკური ზედამხედველობის განმახორციელებელ პირს გამოყენებული მასალა-ნაკეთობების ხარისხის დამადასტურებელი დოკუმენტაცია (ლაბორატორიული დასკვნები, სერტიფიკატები და სხვა).

2.8 მასალები უნდა ინახებოდეს დახურული წესით, გარდა იმ მასალებისა, რომელიც ნორმების მიხედვით ინახება ღია ცის ქვეშ.

2.9 მიმწოდებელი ვალდებულია საკუთარი ხარჯით უზრუნველყოს კონტროლის შედეგად გამოვლენილი ყველა დეფექტის ან ნაკლის აღმოფხვრა.

2.10. შემსყიდველი მიმწოდებელთან ერთად აწარმოებს კონტროლს სამუშაოების მიმდინარეობაზე, თანახმად საქართველოში მოქმედი ყველა სამშენებლო ნორმების, სტანდარტების და წესებისა, ასევე საქართველოს კანონმდებლობით გათვალისწინებული შრომის უსაფრთხოების ნორმები, რომელთა დარღვევის შემთხვევაში შემსყიდველს გააჩნია უფლება შეაჩეროს სამუშაოები და განახორციელოს კანონით გათვალისწინებული სანქციები.

2.11. მიმწოდებელი ვალდებულია სამუშაოების შესრულების დროს გამოიყენოს მხოლოდ ის მასალები, რომელთა ხარისხი შეესაბამება საქართველოში და საერთაშორისო მოქმედ სტანდარტებსა და ნორმებს, წინააღმდეგ შემთხვევაში შემსყიდველი უფლებამოსილია გამოიყენოს მიმწოდებლის მიმართ პასუხისმგებლობის ღონისძიებები.

2.12. განხორციელებული ზედამხედველობის შედეგად შრომის უსაფრთხოების ნორმებთან დაკავშირებით აღმოჩენილი დარღვევების საფუძველზე, შემსყიდველს უფლება აქვს, შეაჩეროს სამუშაოები და წერილობით აცნობოს შრომის უსაფრთხოების ნორმების დაუცველობის შესახებ, ასევე მოსთხოვოს მიმწოდებელს განსაზღვრულ ვადაში დარღვევების გამოსწორება. გამოსწორების ვადა შესაძლებელია განისაზღვროს მხარეების ურთიერთშეთანხმებით.

2.13. ხელშეკრულების შესრულების კონტროლს ახორციელებენ სსიპ „შემოსავლების სამსახურის“-ს უფროსის ბრძანებით განსაზღვრული პირთა ჯგუფის უფლებამოსილი წევრი ან წევრები.

3. სამუშაოს შესრულების ვადები და პირობები

3.1 სამუშაოების შესრულების ვადები და პირობები მოცემულია დანართი N2-ში;

3.2. მიმწოდებელი ვალდებულია წარმოდგენილი სატენდერო წინადადებით განსაზღვრული სამუშაოები დაიწყოს ხელშეკრულების ხელისმოწერის (გაფორმების) დღიდან და დაასრულოს დანართი N2-ით გათვალისწინებული ვადების განმავლობაში (დანართი N2 თან ერთვის აღნიშნულ ხელშეკრულებას და წარმოადგენს ხელშეკრულების განუყოფელ ნაწილს).

4. თანმდევი მომსახურება

4.1 მიმწოდებელმა სამუშაოების დასრულების შემდეგ, თავისი ძალებითა და სახსრებით უნდა გაანთავისუფლოს სამუშაო ადგილები სამშენებლო მოწყობილობა-დანადგარებისაგან, დროებითი ნაგებობებისაგან, ასევე სამშენებლო ნარჩენებისაგან. სამუშაოების წარმოების პროცესში მიმწოდებელი ვალდებულია მინიმუმამდე დაიყვანოს სამუშაოებით გამოწვეული ხმაურის, ვიბრაციისა და მტვრის ზემოქმედება როგორც სამშენებლო, ისე მომიჯნავე ობიექტებზე.

5. შესყიდვის იბიექტის მიღება-ჩაბარების წესი

5.1. მთლიანად შესრულებული სამუშაოს ან სამუშაოს ეტაპის მიღება-ჩაბარებისთვის (შესრულებულ სამუშაოთა მიღება-ჩაბარების აქტის გაფორმებისათვის ყოველ კონკრეტულ შემთხვევაზე) მიმწოდებელმა შემსყიდველს უნდა წარუდგინოს ფორმა N2, შესრულებული სამუშაოების მოცულობების და ხარისხის დადგენის მიზნით სსიპ „ლევან სამხარაულის სახელობის სასამართლო ექსპერტიზის ეროვნული ბიუროს“ ან სხვა აკრედიტებული პირის მიერ გაცემული დასკვნა (ექსპერტიზის ხარჯებს ანაზღაურებს მიმწოდებელი) და ფარული სამუშაოების აქტი (ასეთის არსებობის შემთხვევაში) დადასტურებული შემსყიდველის წარმომადგენლის მიერ. სამუშაოთა საბოლოო მიღება-ჩაბარება განხორციელდება მათი დამთავრების შემდეგ თანახმად ტექნიკური პირობებისა, მოქმედი სამშენებლო ნორმებითა და წესებით განსაზღვრული აქტების საფუძველზე.

5.2. შემსყიდველი ვალდებულია ოპერატიულად, სიტყვიერი და წერილობითი სახით, აცნობოს მიმწოდებელს შემოწმების შედეგები დაწუნებული სამუშაოს მოცულობისა და წუნდების მიზეზის მითითებით.

5.3. სამუშაოების შემოწმების შედეგად გამოვლენილი დეფექტის ან ნაკლის აღმოფხვრას საკუთარი ხარჯებით უზრუნველყოფს მიმწოდებელი შემსყიდველის მიერ განსაზღვრულ გონივრულ ვადებში.

5.4. შემოსავლების სამსახურის ფინანსური დეპარტამენტის უფროსის მოადგილე ამოწმებს სახელმწიფო შესყიდვის შესახებ ხელშეკრულებათა შესრულების კონტროლის განხორციელების მიზნით მუდმივმოქმედი ინსპექტირების ჯგუფის უფლებამოსილი წევრის/წევრების მიერ ინსპექტირების განხორციელების ფაქტს და შესაბამის ინსპექტირების აქტზე მისი/მათი ხელმოწერის არსებობას. შესაბამისი ფორმით შედგენილი ინსპექტირების აქტზე ხელმოწერების არსებობის შემთხვევაში ფინანსური დეპარტამენტის უფროსის მოადგილე ხელს აწერს მიღება-ჩაბარების აქტს.

6. გარანტია

6.1. წინამდებარე ხელშეკრულების შესაბამისად შესრულებული სამუშაოების საგარანტიო პერიოდი და საგარანტიო პირობები განსაზღვრულია N3 დანართით და ამ ხელშეკრულების მე-6 პუნქტის „6.2“, „6.3“, „6.4“, „6.5“ და „6.6“ ქვეპუნქტებით. საგარანტიო ვადის ათვლა დაიწყება სამუშაოების დასრულების შემდეგ, საბოლოო მიღება-ჩაბარების აქტზე ხელშეკრულების ორივე მხარის უფლებამოსილი წარმომადგენლების ხელმოწერის დღიდან.

6.2. მიმწოდებელი იძლევა გარანტიას, რომ მის მიერ ხელშეკრულებით გათვალისწინებული სამუშაოები შესრულდება მაღალხარისხოვნად, ჯეროვნად და კეთილსინდისიერად, სამშენებლო ნორმებისა და სტანდარტების სრული დაცვით, წარმოდგენილი ტექნიკური პირობების შესაბამისად; შესრულებლის მიერ სამუშაოების შესრულების პროცესში გამოყენებული ყველა მასალა და მოწყობილობა იქნება ახალი, ქარხნული წარმოების და მაღალის ხარისხის; წინააღმდეგ შემთხვევაში, შემსრულებელი ვალდებულია იღებს საკუთარი სახსრებით უზრუნველყოფს, როგორც სამუშაოების მიმდინარეობის პერიოდში, ასევე საგარანტიო პერიოდში აღმოჩენილი ნებისმიერი ხარვეზის აღმოფხვრა; სამუშაოების შესრულების პროცესსა და საგარანტიო პერიოდში გამოვლენილი უხარისხო და არაჯეროვნად შესრულებული სამუშაოების შედეგად დამდგარი ზიანის ანაზღაურება შემსყიდველისათვის ხელშეკრულების N3 დანართით განსაზღვრული წესითა და პირობების შესაბამისად (დანართი N3 თან ერთვის აღნიშნულ ხელშეკრულებას და წარმოადგენს მის განუყოფელ ნაწილს).

6.3. შესრულებული სამუშაოების საგარანტიო პერიოდში გამოვლენილი ხარვეზებისა და წუნის გამოსწორების მიზნით, შემსყიდველი განუსაზღვრავს მიმწოდებელს გონივრულ ვადას ხარვეზის/წუნის გამოსწორებისა და მიყენებული ზიანის ანაზღაურების მიზნით (ასეთის არსებობის შემთხვევაში). საგარანტიო პერიოდში მიმწოდებელს მიერ განსაზღვრულ გონივრულ ვადაში ხარვეზის/წუნის, ასევე ზიანის (ასეთის არსებობის შემთხვევაში)

გამოუსწორებლობის შემთხვევაში შემსყიდველი უფლებამოსილია პირგასამტეხლოს სახით მოთხოვოს მიმწოდებელს არაჯეროვანი შესრულებიდან გამომდინარე შესასრულებელი სამუშაოების ღირებულების 0.15%-ის გადახდა (გაიანგარიშება მოცემული ხელშეკრულების ფარგლებში განხორციელებული ანაზღაურების, იმ სამუშაოების ღირებულებიდან, სადაც გამოვლინდა ხარვეზი/წუნი) ყოველდღიურად, გამოვლენილი წუნის/ხარვეზის, ასევე ზიანის (ასეთის არსებობის შემთხვევაში) სრულ გამოსწორებამდე, ხოლო თუ აღნიშნული თანხა გადააჭარბებს შესასრულებელი სამუშაოების ღირებულების 0,5%-ს, შემსყიდველი უფლებამოსილია პირგასამტეხლოს სახით საგარანტიო პირობების დარღვევისთვის, ვადაგადაცილების თანხასთან ერთად დააკისროს მიმწოდებელს პირგასამტეხლო ამ ხელშეკრულების ფარგლებში ფაქტიურად გადახდილი მთლიანი ღირებულების 1%-ი.

6.4 ამ ხელშეკრულების „6.3“ პუნქტით დაკისრებული პირგასამტეხლო არ ათავისუფლებს მიმწოდებელს ხელშეკრულებით გათვალისწინებული საგარანტიო პირობების შესრულებისაგან;

6.5. საგარანტიო ვადის განმავლობაში მიმწოდებლის მხრიდან წინამდებარე ხელშეკრულებითა და დანართი N3-ით ნაკისრი ვალდებულებების დარღვევის შემთხვევაში შემსყიდველი უფლებამოსილია მიმართოს სასამართლოს და მოითხოვოს სამუშაოების შესრულება გამოვლენილი და არსებული წუნის/ნაკლის გამოსწორების მიზნითა და მიყენებული ზიანისა (ასეთის არსებობის შემთხვევაში) და პირგასამტეხლო თანხების ასანაზღაურებლად.

6.6. ამ ხელშეკრულებით გათვალისწინებული სამუშაოების წარმოების პერიოდში, აგრეთვე საგარანტიო ვადაში მიმწოდებლის მიერ შემსყიდველზე ან/და მესამე პირზე მიყენებული ზიანის რისკი ეკისრება მიმწოდებელს.

7. ანგარიშსწორება

7.1. ანგარიშსწორება მიმწოდებელთან განხორციელდება ლარებში.

7.2. ანგარიშსწორება მიმწოდებელთან შესაძლებელია განხორციელდეს როგორც მთლიანად ასევე ეტაპობრივად, ყოველ კონკრეტულ შემთხვევაში ფაქტიურად შესრულებულ სამუშაოებზე შესაბამისი მიღება-ჩაბარების აქტის გაფორმების და საქართველოს კანონმდებლობით დადგენილი შესაბამისი საგადასახადო დოკუმენტების წარმოდგენიდან არაუგვიანეს 10 (ათი) სამუშაო დღის განმავლობაში.

7.3. ანგარიშსწორების ფორმა იქნება უნაღდო და გადარიცხვა მოხდება მიმწოდებლის საბანკო ანგარიშზე.

7.4. „7.2“ პუნქტის შესრულებისათვის წარმოდგენილი დოკუმენტაციის სისრულეზე და ნამდვილობაზე პასუხისმგებელია ხელშეკრულების „5.4“ პუნქტში მითითებული პირ(ებ)ი.

8. ფასები

8.1. ხელშეკრულებაში დაფიქსირებული ფასების შეცვლა დაუშვებელია, თუ ამ ცვლილებების შედეგად იზრდება ხელშეკრულების საერთო ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა.

9. ხელშეკრულებაში ცვლილებების შეტანა

9.1 არავითარი გადახრა ან ცვლილება ხელშეკრულების პირობებში არ დაიშვება, ორივე მხარის მიერ ხელმოწერილი წერილობითი შესწორების გარდა.

9.2 თუ რაიმე წინასწარ გაუთვალისწინებელი მიზეზის გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

9.3 ნებისმიერი ცვლილება, რომელსაც მოჰყვება ხელშეკრულების ფასის გაზრდა ან შემსყიდველის პირობების გაუარესება, დაუშვებელია გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა.

9.4. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია სახელმწიფო შესყიდვის შესახებ ხელშეკრულების ჯამური ღირებულების 10%-ზე მეტი ოდენობით გაზრდა.

9.5. ხელშეკრულების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

10. მხარეთა უფლება-მოვალეობები

10.1. შემსყიდველი და მიმწოდებელი მოქმედებენ საქართველოს კანონმდებლობის სრული დაცვით.

10.2 შემსყიდველი ვალდებულია:

10.2.1. დროულად და კეთილსინდისიერად შეასრულოს ხელშეკრულებით ნაკისრი ვალდებულებები;

10.2.2. უზრუნველყოს ტერიტორიების მზადყოფნა სამუშაოების დასაწყებად. სამუშაოების შესრულების ადგილი მითითებულია დანართი N2-ში.

10.2.3. ხელშეკრულებით გათვალისწინებული სამუშაოების შესრულებისას საქმის კურსში ჩააყენოს მიმწოდებელი ყველა განსაკუთრებული გარემოებების წარმოშობის შესახებ, რამაც შეიძლება გავლენა იქონიოს ხელშეკრულებით ნაკისრი ვალდებულებების შესრულებაზე;

10.2.4. ხელშეკრულებით გათვალისწინებული პირობების შესაბამისად აუნაზღაუროს მიმწოდებელს შესრულებული სამუშაოს ღირებულება.

10.2.5. წერილობითი ფორმით დაუყოვნებლივ აცნობოს მიმწოდებელს შესრულებულ სამუშაოებზე რაიმე დეფექტის ან ნაკლის აღმოჩენის შესახებ, როგორც სამუშაოთა შესრულების, ისე საგარანტიო პერიოდის მანძილზე.

10.3. შემსყიდველს უფლება აქვს:

- 10.3.1. განახორციელოს კონტროლი და ზედამხედველობა მიმწოდებლის მიერ ხელშეკრულებების პირობების დაცვასა და სამუშაოების შესრულებაზე;
- 10.3.2. განახორციელოს შესრულებული სამუშაოების ტექნიკური ზედამხედველობა და შეამოწმოს მათი შესაბამისობა საქართველოში მოქმედი ნორმებისა და წესებში გათვალისწინებული ხარისხის კრიტერიუმების, ტექნიკური სპეციფიკაციების და მოქმედი სტანდარტების გათვალისწინებით.
- 10.3.3. ხელი მოაწეროს სამუშაოების მიღება-ჩაბარების (შესრულების) აქტ(ებ)ს;
- 10.3.4. აღნიშნულ ობიექტებზე სამუშაოების პროცესში მოთხოვოს მიმწოდებელს მის მიერ გამოსაყენებელი ყველა მასალა-მოწყობილობის საერთაშორისო სტანდარტის დამადასტურებელი სერთიფიკატ(ებ)ი, ასევე სამუშაოების ნებისმიერ ეტაპზე მოთხოვოს მიმწოდებელს აღნიშნული სამუშაოებისთვის განკუთვნილი გამოსაყენებელი მასალებისა და მოწყობილობების ნიმუშ(ებ)ის წარმოდგენა. (მოთხოვნა შესაძლოა განხორციელდეს როგორც წერილობით ასევე სიტყვიერად), შემსყიდველს უფლება აქვს დაიწუნოს აღნიშნული ნიმუშები, როგორც ხარისხის, ასევე ვიზუალური თვალსაზრისით.
- 10.3.5. შემსყიდველი არ აგებს პასუხს მიმწოდებლის მიერ მესამე პირებისათვის მიყენებულ ზიანზე.
- 10.3.6. შემსყიდველი არ აგებს პასუხს მიმწოდებლის მიერ მესამე პირის მიმართ ნაკისრ ვალდებულებებზე.
- 10.4. მიმწოდებელი ვალდებულია:
- 10.4.1. სამუშაოები აწარმოოს შემსყიდველის მიერ წარმოდგენილი N1 დანართში მოცემული კონკრეტული სამუშაოების, მოცულობების და პირობების მიხედვით (დანართი N1 თან ერთვის აღნიშნულ ხელშეკრულებას და წარმოადგენს მის განუყოფელ ნაწილს);
- 10.4.2. დროულად და კეთილსინდისიერად შეასრულოს ხელშეკრულებით ნაკისრი ვალდებულებები;
- 10.4.3. სამშენებლო ნორმებისა და წესების სრული დაცვით უზრუნველყოს სამუშაოთა მაღალი ხარისხით შესრულება და მათი დამთავრება ხელშეკრულების პირობების „3.2“ პუნქტით განსაზღვრულ ვადებში;
- 10.4.4. ფარული სამუშაოები აწარმოოს შემსყიდველის კოორდინატორის უშუალო ზედამხედველობის ქვეშ. მიმწოდებელი ვალდებულია წინასწარ არანაკლებ 2 (ორი) კალენდარული დღით ადრე წერილობით ან/და სიტყვიერად აცნობოს შემსყიდველს აღნიშნული სამუშაოების განხორციელების თარიღის შესახებ.
- 10.4.5. აწარმოოს სამშენებლო მასალების და კონსტრუქციების გამოცდები, გააფორმოს საერთო და სპეც. სამუშაოთა წარმოების ჟურნალები და ფარული სამუშაოების აქტები.
- 10.4.6. მოქმედი სამშენებლო ნორმებისა და ვადების შესაბამისად საკუთარი ხარჯებით ჩაატაროს თავის ან/და შემსყიდველის მიერ მოწონებულ ლაბორატორიაში მასალების და კონსტრუქციების ხარისხის ყველა საკონტროლო ლაბორატორიული გამოცდა და შემოწმებები მათი გამოყენების ვარგისიანობაზე და შესაბამისი ლაბორატორიული დასკვნები გადასცეს შემსყიდველს. ლაბორატორიული ექსპერიზის ჩატარება გარდა დადგენილი წესისა და საკუთარი ინიციატივისა, მიმწოდებელმა ასევე უნდა განახორციელოს შემსყიდველის მოთხოვნის შესაბამისად სამუშაოების მიმდინარეობის ნებისმიერ ეტაპზე.
- 10.4.7. სამუშაოების შესრულების პროცესში შეტყობინების მიღებისთანავე აღმოფხვრას უხარისხოდ შესრულებული სამუშაო შემსყიდველის მხრიდან რაიმე დამატებითი დანახარჯების გაწევის გარეშე;
- 10.4.8. აღნიშნულ ობიექტებზე სამუშაოების პროცესში პრეტენდენტის (შემდგომში მიმწოდებლის) მიერ გამოყენებული ყველა მასალა და მოწყობილობა უნდა იყოს ახალი და ქარხნული წარმოების. ამასთან, მიმწოდებელი სამუშაოების დაწყებამდე მასალებსა და მოწყობილობებს ათანხმებს შემსყიდველთან.
- 10.4.9. უზრუნველყოს სამშენებლო მოედნის დროებითი წყლითა და ენერგიით მომარაგება არსებული ქსელებიდან.
- 10.4.10. სამუშაოების შესასრულებლად აუცილებელი მასალების/მოწყობილობების, აღჭურვილობების და მექანიზმების მოწოდება უზრუნველყოფილი უნდა იქნას მიმწოდებლის მიერ საკუთარი შესაძლებლობებით და რესურსებით და მიმწოდებელი პასუხისმგებელი უნდა იყოს აღნიშნული მასალების/მოწყობილობების, აღჭურვილობის და მექანიზმების უსაფრთხოებაზე. ხსენებული მასალების/მოწყობილობების, აღჭურვილობებისა და მექანიზმების დაკარგვის ან გაუმართაობის შედეგად გამოწვეული რისკი ეკისრება მიმწოდებელს.
- 10.4.11. მიმწოდებელმა სამუშაოების განხორციელების განმავლობაში მათ მიღებამდე საქართველოს მოქმედი კანონმდებლობის და არსებული ნორმების შესაბამისად, უნდა მიიღოს აუცილებელი ზომები საქართველოს კანონმდებლობით გათვალისწინებული შრომითი უსაფრთხოების მოთხოვნათა დაცვის, ტექნიკური უსაფრთხოების და გარემოს დაცვის უზრუნველსაყოფად.
- 10.4.12. მიმწოდებელი საქართველოში ტექნიკური უსაფრთხოების და გარემოს დაცვასთან დაკავშირებით მოქმედი კანონების და ნორმების შესაბამისად ვალდებულია მიიღოს უსაფრთხოების აუცილებელი ზომები ობიექტების ზონაში ხანძრის გაჩენის და აფეთქების თავიდან ასაცილებლად.
- 10.4.13. მიმწოდებელი პასუხისმგებელია შეასრულოს სამუშაო უსაფრთხო ეკოლოგიურად მისაღები გზით და ვალდებულია დაიცვას შემდეგი პირობები, კერძოდ; უზრუნველყოს სამუშაო ადგილის ფარგლებში მდებარე ხეების და მცენარეების სიცოცხლისუნარიანობა და მინიმუმამდე დაიყვანოს მუშაობით გამოწვეული ხმაურის, ვიბრაციის და მტვერის გავლენა. მიმწოდებელი პასუხისმგებელია სამუშაოსათვის გამოყოფილი ადგილის გამოყენებაზე და სამუშაოების დასრულების შემდეგ გარემოს საჭირო და სათანადო აღდგენაზე.
- 10.4.14. ნებისმიერ დროს, წინასწარი შეტყობინების გარეშე დაუშვას შემსყიდველი და მისი წარმომადგენლები სამუშაო მოედნებზე.
- 10.4.15. სამუშაოების დაწყებამდე სამუშაო ობიექტ(ებ)ზე შრომის უსაფრთხოების საკითხები აცნობოს და განიხილოს შემსყიდველთან.
- 10.4.16. დაემორჩილოს შემსყიდველის მიერ დანიშნული/მოწვეული შრომის უსაფრთხოების სპეციალისტის/ორგანიზაციის ნებისმიერ მითითებას.
- 10.4.17. შრომის უსაფრთხოების სპეციალისტის მიერ გაცემული მითითების ასლი მიაწოდოს შემსყიდველს.

10.5. მიმწოდებელს უფლება აქვს:

10.5.1. მოსთხოვოს შემსყიდველს ხელშეკრულებით გათვალისწინებული პირობების შესაბამისად შესრულებული სამუშაოების ღირებულების ანაზღაურება.

10.6 მიმწოდებელი ვალდებულია ხელშეკრულების გაფორმებიდან 20 (ოცი) კალენდარული დღის ვადაში უზრუნველყოს სამუშაოების განმახორციელებელი პერსონალის ზედამხედველთან შეთანხმება, შესაბამისი პერსონალის სახელის, გვარის, დაკავებული პოზიციის მითითებით. ზედამხედველი უფლებამოსილია მიმწოდებელს მოსთხოვოს დამატებითი დოკუმენტაცია მიმწოდებლის პერსონალთან დაკავშირებით.

11. ხელშეკრულების პირობების შესრულებლობა

11.1 მხარეები კისრულობენ ვალდებულებას აუნაზღაურონ მეორე მხარეს მათ მიერ წინამდებარე ხელშეკრულების შესრულებლობისათვის ან არასრულად შესრულების შედეგად მიყენებული ზიანი წინამდებარე ხელშეკრულებისა და საქართველოს კანონმდებლობის შესაბამისად.

11.2 შემსყიდველი უფლებამოსილია ამ ხელშეკრულების „3.2“ პუნქტით გათვალისწინებული ვადის გადაცილების შემთხვევაში დააკისროს მიმწოდებელს პირგასამტეხლო ყოველ ვადაგადაცილებულ დღეზე შესრულებელი ვალდებულების ღირებულების 0.15%-ის ოდენობით (ვადაგადაცილებული დღეების რაოდენობაში არ ჩაითვლება იმ დღეების რაოდენობა, რომელიც დაჭირდება სსიპ „ლევან სამხარაულის სახელობის სასამართლო ექსპერტიზის ეროვნული ბიუროს“ ან სხვა აკრედიტებული პირის მიერ დასკვნის (ცნობის) გაცემას). ამასთან, შემსყიდველი უფლებამოსილია წინამდებარე ხელშეკრულების „2.12“ პუნქტით გათვალისწინებული შედეგის დადგომის დროს განსაზღვრული ვადის გადაცილების შემთხვევაში დააკისროს მიმწოდებელს პირგასამტეხლო ყოველ ვადაგადაცილებულ დღეზე შესრულებელი ვალდებულების ღირებულების 0.15%-ის ოდენობით.

11.3. იმ შემთხვევაში თუ ხელშეკრულების „11.2“ პუნქტით გათვალისწინებული პირგასამტეხლოს რაოდენობა მიაღწევს ჯამური სახელშეკრულებო ღირებულების 0,5%-ს, შემსყიდველს უფლება აქვს ნებისმიერ დროს ცალმხრივად შეწყვიტოს ხელშეკრულება და დააკისროს მიმწოდებელს ხელშეკრულების ნაწილობრივი შესრულების პირგასამტეხლო, ჯამური სახელშეკრულებო ღირებულების 10%-ის ოდენობით. ხელშეკრულების შეწყვეტა არ ათავისუფლებს მიმწოდებელს ხელშეკრულების პირობების შესრულებლობისათვის გათვალისწინებული პასუხისმგებლობიდან.

11.4. მიმწოდებელი უფლებამოსილია ამ ხელშეკრულების „7.2“ პუნქტით გათვალისწინებული ვადის გადაცილების შემთხვევაში დააკისროს შემსყიდველს პირგასამტეხლო ყოველ ვადაგადაცილებულ დღეზე არსებული დავალიანების თანხის 0.15%-ის ოდენობით;

11.5 ხელშეკრულების შეწყვეტის შემთხვევაში მიმწოდებელს ჩამოერთმევა ხელშეკრულების შესრულების უზრუნველყოფის საბანკო გარანტია სრულად (ასეთის არსებობის შემთხვევაში).

11.6. მხარეები თავისუფლდებიან პასუხისმგებლობისაგან:

11.6.1. თუ ხელშეკრულებით ნაკისრი ვალდებულებების შესრულებლობა გამოწვეულია ფორს-მაჟორული მდგომარეობით ან/და მხარეები ხელშეკრულების შესრულების პროცესში წააწყდებიან ისეთ ხელშემშლელ გარემოებებს, რომელიც გამოწვეულია მათგან დამოუკიდებელი ობიექტური მიზეზებით. ფორს-მაჟორული პირობების გათვალისწინება რეგულირდება მოქმედი კანონმდებლობის შესაბამისად.

11.6.2. ის მხარე, რომელიც ხელშეკრულების „11.6.1“ პუნქტით გათვალისწინებულ შემთხვევების გამო ვერ ასრულებს ხელშეკრულებით ნაკისრ ვალდებულებას ვალდებულია დაუყოვნებლივ წერილობით აცნობოს მეორე მხარეს ნაკისრი ვალდებულებების შესრულებლობის გამომწვევი მიზეზებისა და მისი შესაძლო ხანგრძლივობის შესახებ, ხოლო შეტყობინებიდან არაუგვიანეს 5 დღისა წარმოადგინოს ცნობა შესაბამისი კომპენტენტური ორგანიზაციიდან (ასეთის არსებობის შემთხვევაში), რომელიც დაადასტურებს წერილობით მოყვანილ გარემოებებს.

11.6.3. ხელშეკრულების „11.6.2“ პუნქტით გათვალისწინებული პირობების დაცვის შემთხვევაში მხარეები უფლებამოსილნი არიან გადახდონ ხელშეკრულების პირობებს და შეიტანონ მასში შესაბამისი ცვლილება ვალდებულების შესრულების ვადის გაგრძელებასთან დაკავშირებით ან/და (არგუმენტაციის საფუძველზე) ვადამდე შეწყვიტონ ხელშეკრულება.

11.7. საჯარიმო სანქციით დაკისრებული თანხა გადახდილ უნდა იქნას მხარისთვის აღნიშნულის თაობაზე გადაწყვეტილების (წერილი ჯარიმის დაკისრების თაობაზე) ჩაბარებიდან ან/და წინამდებარე ხელშეკრულებით გათვალისწინებული ელექტრონულ ფოსტაზე შეტყობინების გადაგზავნიდან არაუგვიანეს 10 (ათი) დღის ვადაში..

12. უსაფრთხოება და გარემოს დაცვა

12.1 მიმწოდებელმა სამუშაოების განხორციელების განმავლობაში საქართველოს მოქმედი კანონმდებლობის და არსებული ნორმების შესაბამისად, უნდა მიიღოს აუცილებელი ზომები ტექნიკური უსაფრთხოების და გარემოს დაცვის უზრუნველსაყოფად.

12.2 მიმწოდებელმა უნდა უზრუნველყოს სამუშაო ადგილის ფარგლებში გარემოზე ეკოლოგიური ზემოქმედების, მუშაობით გამოწვეული ხმაურის, ვიბრაციის და მტვრის გავლენის მინიმუმადე დაყვანა.

12.3 მიმწოდებელი საქართველოში ტექნიკური უსაფრთხოების და გარემოს დაცვასთან დაკავშირებით მოქმედი კანონების და ნორმების შესაბამისად ვალდებულია მიიღოს უსაფრთხოების აუცილებელი ზომები მშენებლობის ზონაში ხანძრის გაჩენის და აფეთქების თავიდან ასაცილებლად.

12.4 მიმწოდებელი ვალდებულია სამუშაოები შეასრულოს საქართველოში მოქმედი სამშენებლო ნორმებით და წესებით, აგრეთვე პროექტით გათვალისწინებული უსაფრთხოების წესების დაცვით. აღნიშნულ ნორმათა დარღვევის შემთხვევაში, მიმწოდებელს ყოველ კონკრეტულ დარღვევაზე დაეკისრება შესაბამისი კანონმდებლობით გათვალისწინებული ჯარიმა.

12.5 ჯარიმის გადახდა მიმწოდებელს არ ათავისუფლებს დარღვევის აღმოფხვრისაგან.

13. სადაო საკითხების გადაწყვეტა

13.1. წამოჭრილი დავები ან აზრთა სხვადასხვაობა შესაძლებელია გადაწყვეტილ იქნას ერთობლივი მოლაპარაკების საფუძველზე.

13.2. თუ შემსყიდველი და მიმწოდებელი მოლაპარაკების დაწყებიდან 10 (ათი) დღის განმავლობაში ვერ მიაღწევენ შეთანხმებას, მხარეებს უფლება აქვთ მიმართონ სასამართლოს საქართველოს მოქმედი კანონმდებლობით დადგენილი წესით.

14. ხელშეკრულების შეწყვეტა

14.1. ორივე მხარე უფლებამოსილია მოშალოს ეს ხელშეკრულება ცალმხრივად, თუ მეორე მხარე ვერ უზრუნველყოფს თავის ვალდებულებების ჯეროვან შესრულებას ან მოქმედი კანონმდებლობით გათვალისწინებულ სხვა შემთხვევაში, რაზეც მხარემ უნდა აცნობოს მეორე მხარეს (გარდა ამ ხელშეკრულების „11.3“ პუნქტით გათვალისწინებული შემთხვევისა) 10 დღით ადრე.

14.2. ხელშეკრულების დამდები მხარე, რომელიც მიიღებს ასეთ გადაწყვეტილებას ვალდებულია შეატყობინოს მეორე მხარეს მიღებული გადაწყვეტილება, მისი მიღების საფუძველი და ამოქმედების თარიღი.

14.3. ხელშეკრულების შეწყვეტისას მხარეს შეუძლია მოითხოვოს ზიანის ანაზღაურება, რომელიც მას მიაღდა მეორე მხარის მიერ ხელშეკრულებით ნაკისრი ვალდებულებების შეუსრულებლობით.

14.4. ხელშეკრულების ცალკეული პირობების მოქმედების შეწყვეტა არ ათავისუფლებს მხარეებს დანარჩენი ვალდებულებების შესრულებისაგან

14.5. შემსყიდველს უფლება აქვს მიიღოს გადაწყვეტილება ხელშეკრულების ცალმხრივად შეწყვეტის შესახებ, მათ შორის შემდეგ შემთხვევებში:

ა) მიმწოდებლის მიერ ხელშეკრულებით ნაკისრი ვალდებულებების ორჯერ დარღვევის შემთხვევაში;

ბ) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

გ) საქართველოს კანონმდებლობით გათვალისწინებულ სხვა შემთხვევებში, მათ შორის მიმწოდებლის მიერ ხელშეკრულებით ნაკისრი ვალდებულების ნებისმიერი ისეთი დარღვევის დროს, რაც შეუძლებელს ხდის ნორმალური სახელშეკრულებო ურთიერთობის გაგრძელებას, ან იწვევს შემსყიდველის ინტერესის დაკარგვას სახელშეკრულებო ურთიერთობის გაგრძელებისადმი;

14.6. ამ მუხლის პირველსა და მე-5 პუნქტებში მითითებულ შემთხვევებში შემსყიდველი ვალდებულია აუნაზღაუროს მიმწოდებელს ფაქტიურად შესრულებული სამუშაოს ღირებულება.

15. ხელშეკრულების მოქმედების ვადა

15.1 ხელშეკრულება ძალაში შედის მხარეთა მიერ მისი ხელმოწერის თარიღიდან და ძალაშია 2022 წლის 30 ოქტომბრის ჩათვლით, გარდა ამ ხელშეკრულების მე-6 მუხლით განსაზღვრული პირობებისა.

შემსყიდველი:

სსიპ შემოსავლების სამსახური

მიმწოდებელი:

შპს „რედი“

ზვიად პაპიძე

ფინანსური დეპარტამენტის უფროსის
მოვალეობის შემსრულებელი

ედიშერ რეხვიაშვილი

დირექტორი

დანართი N1 - ხარჯთაღრიცხვა

გაფორმების ეკონომიკური ზონა "ბათუმი"
ლოკალურ-რესურსული ხარჯთაღრიცხვა

სახარჯთაღრიცხვო ღირებულება 67.78 ათ. ლარი
მათ შორის ხელფასი 32.66 ათ. ლარი

შედგენილია 2022 წ. II კვ. მიმდინარე დონეზე

#	შიფრი	სამუშაოს დასახელება	განზ. ერთ.	ნორმა ერ-ზე	რ-ბა	ხელფასი		მასალა		მანქანა-მექანიზმები		ჯამი სულ
						ერთ. ფასი	ჯამი	ერთ. ფასი	ჯამი	ერთ. ფასი	ჯამი	
1	2	3	4	5	6	7	8	9	10	11	12	13
1	27-9-5	რკინა/ბეტონის ფილის დემონტაჟი	კუბ.მ.		8.00	80.00	640.00		0.00		0.00	640.00
2	r25-9-3	გრანიტის ფილების დემონტაჟი	კვ.მ.		50.00	8.00	400.00		0.00		0.00	400.00
3	r25-5-13.	ბეტონის ქვაფენილის დემონტაჟი (დაუზიანებლად)	კვ.მ.		85.00	6.63	563.55		0.00		0.00	563.55
4	1-80-3	მე 3 კატ. გრუნტის დამუშავება ხელით	კუბ.მ.		90.00	80.00	7200.00		0.00		0.00	7200.00
5	46-23-5	კედლების დამლა წვრილი ბლოკისგან	კუბ.მ.		2.00	50.00	100.00		0.00		0.00	100.00
6	10-6-1.	სექციური ღობის დემონტაჟი (დაუზიანებლად)	კვ.მ.		7.60	25.00	190.00		0.00		0.00	190.00
7	10-6-1.	არსებული სექციური ღობის მოწყობა	კვ.მ.		7.60	40.00	304.00		0.00		0.00	304.00
8	საბაზრო	არსებული ჩილერის გადაადგილება ამავე საშუალების გამოყენებით (რამოდენიმე მეტრში)	კომპლ.		1.00	200.00	200.00		0.00		0.00	200.00
9	9-14-6.	ვიტრაჟის დემონტაჟი	კვ.მ.		23.00	5.00	115.00		0.00		0.00	115.00
10	46-31-2	კერამოგრანიტის ფილების დემონტაჟი	კვ.მ.		8.65		0.00		0.00		0.00	0.00
		მრომითი რესურსები	კაც/სთ	0.3230	2.79	30.00	83.82		0.00		0.00	83.82
		მანქანები	ლარი	0.0215	0.19		0.00		0.00	2.00	0.37	0.37
11	46-31-12	ცემენტის მოჭიმვის მოხსნა	კვ.მ.		58.65	5.00	293.25		0.00		0.00	293.25
12	10-6-2.	კედლებიდან თაბაშირმუყაოს მოხსნა	კვ.მ.		8.00	2.50	20.00		0.00		0.00	20.00
13	22-5-9.	არსებული მაგისტრალური ფოლადის მილების (დ-100) დემონტაჟი და იქვე დასაწყობება	გრძ.მ.		200.00	15.00	3000.00		0.00		0.00	3000.00
14	22-5-9.	არსებული სახანძრო ფოლადის მილების (d-50) დემონტაჟი და იქვე დასაწყობება	გრძ.მ.		50.00	5.00	250.00		0.00		0.00	250.00
15	22-8-5.	ახალი PPR მინაბოჭკოვანი მილის დ-110 mm მონტაჟი	გრძ.მ.		200.00	10.00	2000.00	8.00	1600.00		0.00	3600.00
16	16-11-1.	ფასონური ნაწილების მონტაჟი	ცალი		68.00	5.00	340.00		0.00		0.00	340.00
		ფოლადის გადამყვანი d=125-110	ცალი	პროექტით	16.00		0.00	5.00	80.00		0.00	80.00
		მილტუჩი d=110	ცალი	პროექტით	8.00		0.00	3.00	24.00		0.00	24.00
		ფოლადის მილტუჩი d=125	ცალი	პროექტით	8.00		0.00	7.00	56.00		0.00	56.00
		შუასადები d125	ცალი	პროექტით	16.00		0.00	2.50	40.00		0.00	40.00
		მინაბოჭკოვანი მუხლი d=110	ცალი	პროექტით	20.00		0.00	3.00	60.00		0.00	60.00

1	2	3	4	5	6	7	8	9	10	11	12	13
17	16-12-2.	ურდულის მონტაჟი d=125	ცალი		4.00	10.00	40.00		0.00		0.00	40.00
		ურდული d=125	ცალი	1.000	4.00		0.00	12.00	48.00		0.00	48.00
		მილტუჩი d=125	ცალი	2.000	8.00		0.00	15.00	120.00		0.00	120.00
18	IV-2-82 26	მიღების თბოიზოლაცია თვითწებვადი კაურუკით 9მმ	კვ.მ.		68.00	2.00	136.00	3.00	204.00		0.00	340.00
19	22-8-5.	სახანძრო მილის დ-50 მონტაჟი	გრძ.მ.		50.00	5.00	250.00		0.00		0.00	250.00
		ფოლადის მილი დ50	გრძ.მ.	1.010	50.50		0.00	8.00	404.00		0.00	404.00
		მუხლი დ50	ცალი		5.00		0.00	3.00	15.00		0.00	15.00
20	6-1-6.	მონოლითური რკინა-ბეტონის ფილის მოწყობა ~B-25~	კუბ.მ.		36.00	130.00	4680.00	160.00	5760.00		0.00	10440.00
		ა-III კლასის არმატურა (დ-10)	ტონა		0.13		0.00	2000.00	256.32		0.00	256.32
21	1-81-3.	გრუნტის უკუჩაყრა ხელით	კუბ.მ.		90.00	15.00	1350.00		0.00		0.00	1350.00
22	1-118-11	უკუჩაყრილი გრუნტის დატკეპნა პნევმოსატკეპნით	კუბ.მ.		90.00		0.00		0.00	2.50	225.00	225.00
23	8-15-1.	კედლის მოწყობა ბლოკით (20*20*40 სმ)	კუბ.მ.		2.00	130.00	260.00	175.00	350.00		0.00	610.00
24	15-52-1.	კედლების ლესვა ცემენტის ხსნარით	კვ.მ.		16.00	12.00	192.00	6.00	96.00		0.00	288.00
25	IV-2-82 15-53	კედლის დეკორატიული ლესვა "მიუნხენი"	კვ.მ.		150.00	14.00	2100.00	8.00	1200.00		0.00	3300.00
26	15-252-2	კედლის დამუშავება გრუნტით და შეღებვა საფასადე საღებავით	კვ.მ.		150.00	12.00	1800.00	5.00	750.00		0.00	2550.00
27	27-7-1.	ქვიშის საფუძველი სისქ.10სმ	კუბ.მ.		8.50	30.00	255.00	25.00	212.50		0.00	467.50
28	11-30-6.	არსებული ბეტონის ფილის დაგება	კვ.მ.		85.00	20.00	1700.00		0.00		0.00	1700.00
29	11-8-1;11-8-2	იატაკზე ცემენტის მოჭიმვა	კვ.მ.		58.65	15.00	879.75	6.00	351.90		0.00	1231.65
30	11-30-6.	გრანიტის ფილების დაგება (სისქ. 5სმ)	კვ.მ.		50.00	25.00	1250.00	20.00	1000.00		0.00	2250.00
31	11-20-3.	იატაკზე კერამოგრანიტის ფილების დაგება 60X120	კვ.მ.		8.65	40.00	346.00	20.00	173.00		0.00	519.00
32	12-79	მინა-პაკეტის შეცვლა	კვ.მ.		9.20	20.00	184.00	15.00	138.00		0.00	322.00
33	9-14-5	არსებული ვიტრაჟის მოწყობა	კვ.მ.		23.00	20.00	460.00		0.00		0.00	460.00
34	10-10-3გამ	კედელზე თაბამირმუყაოს ფილის მონტაჟი	კვ.მ.		8.00	12.00	96.00	16.00	128.00		0.00	224.00
35	15-168-7	კედლის დამუშავება და შეღებვა მაღალხარისხოვანი წყალემულსიის საღებავით	კვ.მ.		50.00	12.00	600.00	5.00	250.00		0.00	850.00
36	სნაწ IV-2-82 15-164-7	ლითონის ელემენტების დასუფთავება, დამუშავება და შეღებვა ანტიკოროზიული საღებავით	100 კვ.მ.		0.08	1000.00	80.00	500.00	40.00		0.00	120.00
37	e1-22	სამშენებლო ნაგვის დატვირთვა ავტოთვითმცლელელებზე	ტონა		29.94	10.00	299.43		0.00		0.00	299.43
38	srif2022- lkvT.23,2	სამშენებლო ნაგვის ტრანსპორტირება 25კმ-ზე	ტონა		29.94		0.00		0.00	10.00	299.43	299.43

1	2	3	4	5	6	7	8	9	10	11	12	13
		ჯამი					32657.80		13356.72		524.80	46539.32
		სატრანსპორტო ხარჯები მასალაზე	3%									400.70
		ჯამი										46940.02
		ზედნადები ხარჯები	10%									4694.00
		ჯამი										51634.02
		გეგმიური მოგება	8%									4130.72
		ჯამი										55764.74
		გაუთვალისწინებული ხარჯები	3%									1672.94
		ჯამი										57437.68
		დღგ	18%									10338.78
		ჯამი										67776.47

შპს „რედი“-ის დირექტორი

ედიშერ რეხვიაშვილი

დანართი N2

სამუშაოს შესრულების ვადები

სამუშაოს დასახელება	სამუშაოების შესრულების ადგილი	სამუშაოების შესრულების ვადა
ქ. ბათუმში, აეროპორტის გზატკეცილი N259 -ში (ს.კ. 05.32.06.097) არსებული გაფორმების ეკონომიკური ზონა „ბათუმი“-ს ადმინისტრაციული შენობის გათბობა-გაგრილების სისტემის მაგისტრალური მილების შეცვლის და სხვადასხვა სახის სარემონტო სამუშაოები	ქ. ბათუმში, აეროპორტის გზატკეცილი N259 -ში არსებული გაფორმების ეკონომიკური ზონა „ბათუმი“-ს ადმინისტრაციული შენობა - ს.კ. 05.32.06.097	სამუშაოების შესრულება უნდა დაიწყოს ხელშეკრულების გაფორმების თარიღის მომდევნო კალენდარული დღიდან და უნდა დასრულდეს 25 (ოცდახუთი) კალენდარული დღის ვადაში

შპს „რედი“-ის დირექტორი ე.რეხვიაშვილი



მთლიანად შესრულებული სამუშაოების საგარანტიო ვადა და პირობები

სამუშაოს დასახელება	საგარანტიო პერიოდი (ვადა)	გარანტიის პირობები	გარანტიის პერიოდში აღმოჩენილი დეფექტების აღმოფხვრის ოპერატიულობა (ვადა)
ქ. ბათუმში, აეროპორტის გზატკეცილი N259 -ში (ს.კ. 05.32.06.097) არსებული გაფორმების ეკონომიკური ზონა „ბათუმი“-ს ადმინისტრაციული შენობის გათბობა-გაგრილების სისტემის მაგისტრალური მიწების შეცვლის და სხვადასხვა სახის სარემონტო სამუშაოები	საბოლოო მიღება-ჩაბარების აქტის გაფორმებიდან - 4 წელი	საგარანტიო პერიოდში აღმოჩენილი ნებისმიერი ხარვეზის აღმოფხვრა, ასევე აღნიშნული სამუშაოების შესრულების პროცესში და საგარანტიო პერიოდში არახარისხოვნად შესრულებული სამუშაოს შედეგად გამოვლენილი ნებისმიერი სხვა ზიანის აღმოფხვრა	შეტყობინების მიღებიდან აღნიშნულ ფაქტთან დაკავშირებით შედგენილ დეფექტურ აქტში მითითებული გონივრული ვადების შესაბამისად

აუცილებელი პირობა:

საგარანტიო პერიოდში ხარვეზების გამოვლენის შემთხვევაში, ყოველ კონკრეტულ ფაქტზე მხარეები ადგენენ დეფექტურ აქტს. აღნიშნულ აქტში გამოვლენილ ხარვეზებთან (დაზიანებებთან) ერთად მითითებულ უნდა იქნას შემსყიდველსა და მიმწოდებელს შორის ურთიერთმოლაპარაკების საფუძველზე დადგენილი ზიანის აღმოფხვრისთვის საჭირო გონივრული ვადები.

შპს „რედი“-ის დირექტორი

ედიშერ რეხვიაშვილი

